

FESTESECO-III

ENTREVISTA CU DIRECTOR DI E OBRA "YUDA MI"

ORANJESTAD (AAN) -- Teatro tin influencia riba Sra. Miertje Tromp, director di e obra "Yuda Mi" cu ta forma parti di e tremendo pakete di 8 presentacion di Festesecco-III, y cu a ser presenta diadomingo anochi pa Grupo Alegria, despues di e presentacion di "Stress den cas".

E ta conta cu tempo cu e tabata den preparacion pa bira juffrouw di kleuter, el a haya drama como vak y desde e tempo ey el a haya interes pa teatro.

"YUDA MI": Sr. Miertje ta menciona cu el a scoge e tema "Yuda Mi" como cu el a sali for di e curso cu e directornan a sigui, bao guia di Diana Lebac y Laura Quast na november '96.

"Na e curso aki nan a puntra tur cursista, kico ta tochi bo pa skirbi un obra. Den mi trabao mi ta worde confronta cu varios caso, manera esun cu nos ta presenta den e obra".

E obra aki ta muestra nos con e buskeda di un maestro pa cu e cambianan drastico den actitud di un mucha cu ta hib'e na e experiencia di incest.

"Despues di un tayer di trabao cu mi a sigui, pa e tema delicado aki, mi a haya e herment pa traha cune. Via di e tayer di trabao aki e obra a cuminsa crece den mi imaginacion, cu herment, informacion y cu ingredientenan di un sopi mi a crea e obra aki. Francamente

bisa e ta un tema "tabu" pero loke mi kier logra cu e obra, ta pa e mayornan capta e señalnan".

E obra ta referi na e tata di e mucha, pero tambe por ta un omo, un amigo di cas, e padraso, e padushi, of e hende di mas confianza na cas.

"Sa pasa cu tin biaha e ta un tema cu hende tin berguenza di papia riba dje".

Esaki ta e di dos biaha cu Miertje ta participa den teatro. E prome biaha tambe tabata un obra pa mucha pasobra e ta gusta traha cu mucha.

Con e ta mira su participacion den Festesecco-III: "Mi a ripara cu mi a madura teatralmente, bon mi a crece. E prome obra tabata falta algun tecnica, pero awor mi ta ripara cu lo mi a traha di un otro manera. E di dos obra, mirando tur e tayernan di trabao cu mi a sigui cu Festesecco, awor si lo mi a haci pa e prome obra lo mi a hacie den un otro forma".

Encuanto Festesecco mes e ta bisa lo siguiente: "Cu vision pa futuro mi ta haya cu e ta hopi bon, pasobra e ta duna oportunidad pa nos Arubianonan traha mas obra na Papiamento cu ta nos idioma crioyo. Tambe ta asina cu nos ta descubri talentonan nobo, y bo ta haya preparacion di e manera cu e ta na unda bo por expresa bo mes mehor".

Miertje kier a aconseha lo

siguiente na otro persona cu kier dirigi un obra: "Mi ta di opinion cu prome e mester sinti su mes hopi motiva. E gana mester sali di su mesun persona, no pasobra su amigo of amiga ta bay dirigi. Ami lo kier aconseha pa e uni su mes na Festesecco".

Siguiente vez cu Miertje skirbi un obra e lo ta algo pret, of riba un anecdota cu a pase

den su bida.

Finalmente Miertje tin e siguiente mensahe pa hubentud: "Duna respet na tur hende rond di bo. E por ta hende grandi of mucha chiquito, pasobra si bo duna respet bo tambe ta haya respet. Por ehemplo, saluda ora bo yega un caminda or ora bo topa un otro hende, esaki no

ta kita nada for di bo".

Elenco di "Yuda Mi": Ghislaine Perez, Raymond Perez, Jalexa Tromp, Cicely Tromp, Francisco Figaroa, Carolina Figaroa, Melanie Figaroa, Sidney Geerman, Sherman Geerman, Alida de Cuba, Sandy Leito, Tom Ruiz, Shamira Arends, Helen Arends, Sra. Titi Tromp.



DOWCO

100% - 50%

CARNIVAL SALE

JAN 26 - FEB 22

DAMAS

Shimis
Blusa
Slacks
Short
Shortset
Sapato

CABALLEROS

Camisa
Carson
jeans
Short
T-Shirt
Sapato

Special 10% riba

Paña interior
manera Jockey,
Fruit of the Loom
y Van Heusen.

Special 10% riba

tur sorto
di tela.



Cura Cabaï



Oranjestad



Sta. Cruz



San Nicolas.

OFFICE SPACE FOR RENT

Included in the rent:

- Utilities
- Use of conference room
- Use of bathroom
- Cleaning service
- Fully secured area

Per month only Afl. 550,- to Afl. 900,-

- Telephone lines available
- Secretarial services optional

FOR RENT

Beautiful new RETAIL SPACE
at prime location Tanki Leendert

- Great exposure
- Fully secured area
- Private bathroom
- ± 75 m²

All offers welcome

For more info call 875673

GRAN PROMOCION EN EL

NEW PLANET ARUBA

por el almuerzo

2 x 1

comen 2 paga 1
(por el mes de febrero)

Havenstraat 12 - Tel: 832432